



Til

Radøy Kommune
Radøyvegen 1690
N-5936 MANGER

Att.: Landbrukskontoret for Austrheim, Fedje og Radøy

Dykkar ref.:

Vår ref.:

20. desember 2017

Søknad om kommunalt tilskot for 2018 til Norsk Landbruksrådgiving Vest SA

Norsk landbruksrådgiving Vest er ei uavhengig, landbruksfagleg rådgivingsteneste. NLR Vest vidarefører det arbeidet som tidlegare vart utført av dei lokale forsøksringane, i tillegg tilbyr vi byggfagleg rådgjeving og rådgjeving på helse, miljø og sikkerheit. **Radøy Kommune** har tidlegare gjeve oss tilskot. Vi vonar kommunen har nytte av arbeidet landbruksrådgivinga utfører, og vil med dette brevet søke om tilskot for 2018.

Tilskota frå kommunane er viktig, og gjev oss moglegheit til informasjons- og utviklingsarbeid, som er vanskeleg å finansiere fullt ut med andre midlar.

Rådgjevarane våre, som har kontor fleire plassar i fylket, ynskjer å vere gode støttespelarar for kommunane og bøndene, både når det gjeld utvikling av landbruket, overføring av ny kunnskap og kompetanse og informasjon om tilskotsordningar, reglar, forskrifter og andre nyhende som gjeld landbruket.

Fagleg verksemd – utvikling av landbruksnæringa

Dei kommunale tilskota medverkar til at vi kan skaffe ny landbruksfagleg kunnskap lokalt i Hordaland. I 2017 har vi utført analyser av økonomien i produksjon av gras og grovfôr. Resultata vert nytta individuell rådgiving, i tillegg til at dei har vore presenterte på fagmøte. Vi har også fokus på klimasmart landbruk. Klimagassutslepp på gardsnivå kan vi rekna ut ved hjelp av NLR Kretsløpstolken, eit verktøy som rådgjevarane våre har vore med å utvikle. Resultata frå analysen gjev grunnlag for råd til bonden om tiltak som vil redusere utslepp av klimagass.

I samarbeid med NIBIO, Norsk institutt for bioøkonomisk forskning, har vi forskingsaktivitet i Hordaland som gjeld dyrking av gras, frukt og bær. Framover vil det også verte aktuelt med meir forskning og utvikling for nye fagområde som bioøkonomi, bioenergi, bruk av biorestar og karbonbinding i jord. Det vert også viktig å finne gode løysingar for tilpassing av landbruksdrifta til endringar i klima.

Vi arbeider kontinuerleg med å forbetre Helse, Miljø og sikkerheit på gardane. I 2017 har vi hatt mange praktiske HMS-kurs for gardbrukarar i Hordland og vi har hatt sertifiseringskurs i varme arbeid på gardane.

Vi arrangerer også kurs i bedriftsutvikling og etablering i landbruket. Økonomirådgjevarane våre hjelper til med driftsplanar og søknader om tilskot til Innovasjon Norge.

Betre økonomisk resultat i landbruket og utvikling av næringa, gjev auka verdiskaping og sikrar arbeidsplassar på gardane, som igjen medverkar til inntekt i kommunen. NLR Vest ynskjer å vere ein



viktig støttespelar for bonden der nyskaping og utvikling skjer. Våre rådgjevarar har brei erfaring og godt nettverk, og kan foreslå løysingar eller peike på utfordringar som bonden sjølv ikkje ser. Den offentlege miljøforvaltninga har i det siste lagt vekt på landbruket si rolle for det biologisk mangfaldet og for å ta vare på kulturminne knytt til landbruksareal. Vi har spisskompetanse på kulturminne og biologisk mangfald og kan utarbeide skjøtselsplanar for utvalde kulturlandskapsområde i samarbeid med grunneigar. Det gjeld både slåttemarker, kystlynghei og kulturminne.

Hjelp til å imøtekome offentlege krav

Det er mange som spør oss om regelverk, forskrifter og tilskotsordningar for landbruket. Vi legg vekt på at rådgjevarane skal vere oppdatert på endringar som skjer, slik at vi kan gje gode råd og svar. Vi ser det som ei viktig oppgåve å hjelpe bøndene å imøtekomme offentlege krav. Vi tek jordprøver og utarbeidar gjødselplanar, gjev svar som gjeld KSL, arrangerer autorisasjonskurs for kjøp og bruk av plantevernmidlar, og vi hjelper til med søknad om produksjonstilskot og andre tilskotsordningar.

Informasjon frå oss.

Informasjon ut til bonden og landbruksnæringa er viktig. Gjennom heile året arrangerer vi informasjonsmøte, markdagar og kurs om nyhende og nye utfordringar for landbruket, ofte i samarbeid med kommunane eller fylkesmannen. Vi sender ut e-postmeldingar og bladet Vestlandsbonden i posten til medlemar og samarbeidspartnarar. Om de ikkje får rådgivingsmeldinga vår på e-post, send ei melding til vest@nlr.no.

På nettsida vår <http://vest.nlr.no/> legg vi ut informasjon om verksemda og nyhende i landbruket. Vi har også eigen Facebook-side.

Anna

Vi yter tenester til alle, også til dei som ikkje er medlemar. Våre kurs, fagmøte og markdagar er opne for alle, og vår kompetanse kan kome alle bøndene til gode.

NLR får også tilskot gjennom jordbruksavtalen. Dette tilskotet er reelt sett meir enn halvert dei siste åra, og dei kommunale bidraga har stått fast på same kronebeløp. Reduksjon i tilskotskroner har vi klart å erstatte i hovudsak ved auka eigenbetaling frå medlemene, men også gjennom prosjektinntekter, oppdragsverksemd og meir effektiv drift.

Vi vil gjerne samarbeide med kommunane i Hordaland om aktivitetar og set pris på innspel om tema for fagmøte mm. Vi kan også ta oppdrag for kommunane blant anna når de gjeld arbeid med kommuneplan, vassdirektiv, verdsetting av landbruksareal, vurdering av areal for landbruksproduksjon, mm.

Vi takkar for tilskot som **Radøy Kommune**

tidlegare har gjeve til Landbruksrådgivinga. Vi håpar kommunen framleis vil yte stønad og vil med dette søke om tilskot for 2018 tilsvarande sum som tidlegare år.

Med venleg helsing for
Norsk Landbruksrådgiving Vest SA

Liv Lyngstad, *dagleg leiar*